

四庫全書

史部

欽定四庫全書

史部

欽定熱河志卷九十五

七十五

詳校官編修

臣

曹城

檢討

臣

德生覆勘

總校官舉人

臣章維桓

校對官編修

臣戴心亨

謄錄監生

臣陶嗣曾

欽定四庫全書

欽定熱河志卷九十五

物產四

禽之屬

鶴

山莊內多蓄之有松鶴清越及放鶴亭之勝

御製詩

鶴鹿

庚辰

鶴鹿雖異類胥足助山景鶴則賦之糧惟取聲露警鹿

每挾矢尋岑野寧容騁材與不材間漆園語堪省

園鶴 辛巳

園鶴年年飽稻粱每因尋鹿試神鎗一般都是仙家畜
無可欲惟爾所長

聞鶴鳴三首 癸未

放出籠中纔閱年塞山覓不讓青田因風吹送雲間響
祇覺其音特自然

高飛雲表落巖城疑似山莊即玉京擬問昌黎夏然者

是因何不得其平

原是山莊原有鶴翦翎何必檻中留遂生性復芻糧省
一舉端知兩得收

蒼鶴三首

甲申

蒼鶴翩翩掠過軒不低還復不高騫分明自適雲山樂
亦自未忘梁稻恩

山城飛出又飛來大異籠中大快哉一舉吾因獲兩得
何曾少却羽仙陪

養成羽翼那長往祇繞山莊鳴戛然不是東坡遊赤壁
揖予宛遇皜衣仙

朝鶴

鶴翼已長成翔翥皆由已朝騰山城外暮宿山城裏如
此清涼境信足安汝止而何意忽遷竟自忘歸矣啄粟
山田間夜遇守田子捕捉將來獻鶴願愧有泚因憶昌
黎言歆羨古之士或於周不可秦楚可之仕彼其熱中
流尚識去無地

叶咄哉青田姿胡乃昧此理

鶴三首 乙酉

不教翦翮作羈縻，詠蕩山莊任所之。伏卵成禽有佳報，

放鶴將子山莊益致佳趣誰云羽類乏良知？

飛去飛來記昨年，將雛更不出牆邊。風清月白一聲唳，其意肫然亦灑然。

澗竇山葩勝稻粱，天空林密任翱翔。有時不于庭沙步，印出雲章不可詳。

款鶴四首 丙戌

放去胎禽雪翼毳迴翔何不可招來王倪齧缺寧須道

者箇佳賓乃稱

去聲陪

來往瑤臺意自仙一聲清唳徹雲天漫言縻爵心猶在
霞表相延屬偶然

有雪霜儀宜伴侶無烟火氣得清臞何當喚起唐伯虎

為我揮毫寫入圖

唐寅有款鶴圖向
入石渠寶笈上等

去亦不追來不拒空聽為翥宇為翔了知欲入新詩句

豈是翻因戀稻梁

鶴二首 丁亥

飲啄何曾去遠颺翱翔原祇在山莊笑他翦翅牢籠者
拂物性還費稻粱

嘹唳風清還月白徘徊水裔更山椒有時樂意翩然舞
曲盡形容繪絕昭

鶴 戊子

鶴不翦雙翅亦不遠飛颺深林大壑中瀟灑恣翱翔溪
毛與潤實飽啄勝稻粱今來字卯罷率子繞野塘其馴

弗待教其喜殊異常乃悟順物性知良能自良

鶴
癸巳

放翅聽飛去愛山仍復還

山莊有放鶴亭並有詩

那期稻梁報常

伴渚洲間唳月聲非怨梳風態自閒使無清介格亦豈

異乎鵬

鶴

昔時放鶴深山峭一罷鶴糧與鶴料且免刀剪更籠囚

大壑茂林從所樂後來復有貢鶴人賦糧給料仍因循

云不如此鶴將去其實竊饋從中分養鶴則喜放鶴苦
鶴雖知飢不能語廢有肥馬孟子言謂彼時人心尚古
孟子云以意逆志是為得之即如廢有肥馬之言亦
戒厚斂於民以養禽獸而已余作鶴詩謂彼時人心
尚古者則指廢人不竊馬之饋以肥已如今之養鶴
者耳然如孟子所云狗彘食人食而不知檢塗有餓
莩而不知發其意當以有餓莩而不知發為重若夫
狗尚或食肉彘之所食則糠粃及糞豈人所食哉且

今之鷹狗監無不予以月銀俾貫敗肉飼鷹狗而分其料使鷹狗餓斃如養鶴者有之矣使放鷹犬減其料必有竊嘆如養鶴者然且即減此瑣碎細費其所濟亦幾何固不如使天下有司明知不諱災必妥賑之為救民無窮也吁讀書者明理達政而不為章句所誤者其亦鮮矣因用孟子語故推類而言之

鷓鴣 山莊湖中多有之爾雅注曰鷓鴣曲如鈎

食魚宋陸佃埤雅曰鷓鴣水鳥似鴉而黑本草謂

一名水老鴟

御製詩

鷓鴣 丁亥

鷓鴣食魚鳥又弗中釜鬻觜頭曲如鉤
向鱗沙水潯人以其無用亦弗矰繳
侵因惡全其生審非愛物襟持銳
偶即鹿葦叢見隱深可以試神器
一發馥成禽鹿大鷓鴣小艱中
去聲辟尺尋古人示其理飛衛貫蟲心

鴈 來賓較闕內為早古稱鴈磧雁塞雁本朔漠

所產今關外秋風初厲嘹唳滿空千百為羣

御製詩

秋夜聞鴈

辛酉

龍堆月白鴈聲寒
擅屋清宵玉漏殘
憶昨題詩坐松榭
深秋見爾落沙灘
早乘霜露傳邊信
夜渡星河避彈丸
此日賢王爭扈從
不須書寄漢廷看

鴈

癸亥

去歲畿南人送鴈
今年塞北鴈迎人
因知此地寒常早

却比他秋景倍新吟，月有情驚客枕。衝烟無意戀霜津。
衡陽故國三千里，底事勞勞來往頻。

射雁

彎弓射雁行，雁落弓猶滿。無能笑虞人，底事高張罽。

聞雁

丁卯

暖氣泛楚江，肅肅鴈北鄉。北人謂之來，南人謂之往。
塞垣寒氣早，雁赴衡陽期。北人謂之往，南人謂之來。
乃知往來無定論，隨陽豈解分。主賓霜夜嘹，嘹數聲度。

又是一番詩意新

聞雁 已已

旃廬清夜分候雁數聲聞霜落纔傳信

塞上早霜故云

沙平淺

印文早來應挈子

春時雁北去至極涼處換羽育雖至秋攜之以南

可羨未離

羣木葉洞庭下何須怨楚雲

聞鴈 庚辰

不寐夜如何秋鴻送響多昨驚霜乍落今聽雨中過沙
漠夏樓止瀟湘冬寢訖順時奚棟擇踵事有吟哦

鷹 爾雅翼曰在南為鷁在北為鷹一云大為鷹
小為鷁攷爾雅以鷹為鷁鳩又有鷁負雀注云鷁
也是鷹與鷁本為二種本草曰鷹出遼海者上北
地次之唐段成式酉陽雜俎記諸鷹出處有曰漠
北白者身長且大細斑短脰生沙漠之北曰東道
白者腹背俱白生廬龍和龍以北元一統志謂松
州每歲貢納鷹鷁又建州土產鳧鷹細鷹鵞兒鵞
兒者廣韻謂其似鷹而小能捕雀亦鷹類也今塞

外山中多有之

御製詩

鷹

癸未

白露為霜秋氣冷
蒼鷹祭鳥雙眸炯
錦韞玉絡忽在臂
迴思故處失林嶺
飢飽由人不由已
目窮碧落常懷騁
鷹師養鷹識鷹性
惟以飲食司其柄
不使過飽力有餘
蒲雲一去無迴影
過飢復難任擊搏
追逐雉兔弗驚猛
發縱指使固如是
為叢驅爵尤堪省

飼鷹乙酉

飼鷹良有法飢飽貴得宜飽則遠揚去飢則力難支今之飼鷹人弗令飽令飢固無愁逸飈在臂翼已垂縱之使撮雄神志艱迅飛猛氣徒懷嗟雄技安能施以是為得計孰弗可鷹師如皋非所論但幸隼在羈食不盡其材所以昌黎悲

雉 本草曰雄者文彩而尾長雌者文暗而尾短爾雅釋雉有十四種今土人但呼尾長者為雉

鷄尾短者為野鷄塞外凡山谷間悉有之

御製詩

放雉行

丁亥

大蒐之便亦設羅有雉罹焉獲實多籠收車載率生致
淹寒重試饗則邨山莊林泉清且美取諸於彼放諸此
開籠飛去任所之悠然逝若縱鯉憑觀自欣繼自笑
瀕死倖生雉豈料煦嫗為仁詎所期愛物應須識其要
鵬 詩義疏曰黃鳥鷓鴣也或謂黃栗留幽州謂

之黃鵯今無此名土人但呼曰黃鸛爾雅釋鳥中
凡四見曰皇黃鳥注云俗呼黃離留一名搏黍又
曰倉庚商庚注云即鶯黃也又曰鶯黃楚雀注云
即倉庚也又曰倉庚鶯黃也注云其色鶯黑而黃
因名皆指是鳥也

御製詩

黃鸛

癸未

候較清和一月遲山中今日轉黃鸛此聲太古自如此

寧待戴顓來聽之

雀 本草曰雀短尾小鳥也故字從小從佳佳音
雖短尾也棲宿檐瓦之間故名瓦雀俗呼老而斑
者為麻雀小而黃口者為黃雀

御製詩

瓦雀 甲申

瓦雀信何謂其性依屋居有屋處有雀無屋雀亦無萬
物具性靈易簡成中宇夢醒尚昧爽啼啁窓前呼始悟

宿行宮曉景非檀廬

寒雀 乙酉

寒雀身雖寒不離庭院間
決起偶出牆率場啄粟還
啁啾頗自得誰知紇那干

野鴨 說文云鶩野鳬尸子曰野鴨為鳬家鴨為鶩
陸璣詩疏謂鳬狀如鴨而小雜白青色肥而耐
寒塞外水泊中多有之

御製詩

野鴨 乙酉

野鴨亦鳬類塞灘聊且止忽罹虞人羅淹寒佐庖旨雲
鶴不入烹飛宿自由已

火鷄 亦雉類宋陸佃埤雅曰鷄似雉而大黑黃
色本草謂青黑色者名鴝今塞外山中所產火鷄
黑身白尾紅冠赤足即鷄鷄之屬

御製詩

火雞 庚辰

火雞特異雉足觀不足食修尾拖紳白通身染黛黑昂藏亦頭角璘璘亦羽翼於野味三嗅言家乏五德吐火幻詎真破敵術非直無須羅網施已見雌雄得宣付上林官飼養俾孳息

雕 埤雅曰雕似鷹而大黑色俗呼皂雕本草曰皂雕即鷲也出北地青雕出遼東

鷄 說文但以鷄為鷲鳥陸璣詩疏以隼為鷄埤雅曰鷹之搏噬不能無失獨隼有準

鵲 廣韻曰鵲屬埤雅曰鵲拳大如彈丸俯擊
鳩鵲食之元一統志曰建州土產鵲

鵲 陸璣詩疏曰鵲似鴻而大樹上作巢大如車
輪本草曰似鵲而巢樹者為白鵲黑色曲頸者為
烏鵲

燕 羅革路史注引張采使遼錄曰中京牛山館
北去羣燕飛翔大如鳩鵲本草曰燕有兩種紫胸
輕小者是越燕有黑斑而聲大者是胡燕今熱河

諸處燕至秋後不復他去輒蟄入土隄沙磧中

按宋無張採使遼事當是張浮休使遼錄脫一
休字又訛浮為采耳

烏 元周伯琦上京途中紀事詩曰鳴鴉大似鷹
金史曰活羅漢語慈烏也北方有之狀如大雞善
啄物見牛馬駱駝背間有瘡啄食之若飢不得食
雖沙石亦食之

鵲 其一種土人稱為山喜鵲者狀似鵲而尾長

如綬毛羽可觀

鳩 其類甚多左氏所謂雉鳩鵒鳩皆大鳥埤雅以鳩鳩為布穀以鵒鳩為鳴鳩亦作鸞鳩以祝鳩為鵒亦作鳩鳩今土人呼為斑鳩本草曰斑鳩有有斑者有無斑者有灰色者有大者有小者其一種喚雨者為鵒鳩

鵒 居人畜之亦有野鵒本草曰名品雖多大要不過青白皂綠鵒斑數色

鷓 山谷草間多有之本草曰鷓與鷓兩物也形
狀相似俱黑色無斑者為鷓爾雅釋鳥曰鴛鴦母
注云鷓也又曰鷓鷓其雄鷓雌痺注云鷓屬又曰
鷓子鴛鴦子鷓今土人捉稱為鷓鷓灤平縣境內
有鷓鷓溝以多產鷓故名

白翎雀 元陶宗儀輟耕錄曰白翎雀生於烏桓
沙漠之地雄雌和鳴自得其樂世皇因命伶人碩
德間製曲以名之楊允孚灤京雜詠詩曰白翎隨

馬叫晴空注云白翎草地所產是也

蒿雀 本草曰蒿雀似雀青黑色在蒿間塞外彌多食之美於諸雀

山畫眉 善鳴與他處所產不甚殊獨卵珍大僅如蓮子綠如松石亦有白色及斑褐文者土人鑿蠟實其中以為簪珥之飾鬻於闕內

沙雞 古名鷓鴣其色淡黃形如鴿爪有毛爾雅曰鷓鴣冠雉注云大如鴿似雌鷓鴣脚無後趾岐

尾為鳥慙急羣飛出北方沙漠地亦名哭厥雀唐書哭厥傳鳴鵙羣飛入塞吏曰所謂哭厥雀者是也

本朝天聰七年八月鵙鳩羣集遼東國人皆曰遼東素無此鳥今蒙古之雀來必蒙古歸順之兆明年察哈爾額哲來降今豐寧縣等處有之

啄木鳥 異物志曰此鳥有大小褐色者雌斑者雄本草曰一種青黑色頭上有紅毛為山啄木

御製詩

山鳥

乙酉

山鳥山棲不自藏
啁啾簷角復牆匡
分明似話秋光舊
解語何須藉冶長

獸之屬

鹿 塞山產鹿最盛其角自兩叉四叉六叉至八
叉年久則數至八叉以外蒙古謂鹿為布古今圍
場中地及府屬州縣內之山多有稱布古圖者皆

以有鹿處得名每歲

行圍時獲鹿不可勝計

山莊內孳息更蕃有馴鹿坡之勝

御製詩

尋鹿六韻 己卯

園內富麋鹿尋踪遵漸逶步行常十里手銃那雙施一鎗

即中不須再也大澤深山處習勞奮武為無虞自可耳同往且

卑之所有戒多取

原係園中育物亦不多傷物命也

圖餐豈藉斯繩

先具深義樂此不為疲

尋鹿 癸未

麋毛毳且斑秋氣爽孱顏挾矢堪尋麋乘標聊趁閒虞
无還獲鹿朋得並逢山寧為鮮肥計心存溫故間

待鹿 丙戌

日之夕矣鹿下來命侶羣飲溪水隈山中行久識其性
靜待如可招而徠斜陽漸下陰鋪地莎草如茵坐蔥翠
一以延涼圖熱消一以暢觀取適意徐見麋麋躑蹠走

小者在前大者後牝牡作隊各分朋異路居然彼亦有
待之之意意如何物適其適皆太和重華尚矣詎能企
愛觀或類羲之寫

渾鹿 丁亥

遲

去聲
待也

鹿乘餘暇徘徊亦可欣樹翻延爽籟山出護霜

雲奎踞依林見呦伊隔嶂聞誰知思獲處詩意與平分

放鹿 戊子

或有獻鹿者檻中籠轂鯨開檻命放之山谷恣遊逐無

何持銳出林中尋踰伏牛羊何擇焉況是同為鹿仁術
在擴充變然增忸怩

鹿 癸巳

靈囿無不有伊尼

梵語謂鹿

特扱焉草希領子出角解異羣

踰

鹿自五月解角後北壯即別羣而處

未是供庖候因非挾矢前忘機近

左右寧獨海鷗然

山鹿 壬寅

山鹿似海鷗傍人咫尺遊秋肥學虞即遠見便林投

按圍場內畜產孳息名類繁夥每年木蘭秋獮
上親御諸武具殪獲甚多

御製有前後哨鹿賦及哨鹿獲麇殪虎射熊諸詩皆敬
編入圍場卷中茲不複列

麇形似麋角似鹿而短僅一兩又塞山多有之
每歲於圍場中所獲甚多蒙古謂麇為朱爾今圍
場中地及府屬境內之山多有稱朱爾圖者皆以
有麇處得名其白色者尤珍

御製詩

瑞慶詩六韻

有序
辛未

辛未秋獮塞上蒙古台吉必力滾達賴以此來獻
色純白如雪目睛如丹砂抱朴子稱鹿壽千歲滿
五百歲則色白此殆其類今年恭遇

聖母皇太后六旬萬壽適靈獸應時而至爰命曰瑞慶而

紀以詩

質稟庚辛色珠璣應壽星

天心慶花甲德產祝

慈寧豈意牲牲屬偏成鬻鬻形乍辭鹿食野可比鳳儀庭

性自仙人馴

讀如訓
見史記

圖呈動物靈無須稽獸譜永此驗

祥經

麋與鹿相似毛作梅花斑者為麋爾雅釋鹿曰

牡麋牝麋其子麋絕有力麋釋麋曰牡麋牝麋其

子麋絕有力狄蓋一類而二種也圍場內多鹿麋

少麋迤南始有之舊說以鹿角解於仲夏麋角解

於仲冬我

皇上考驗物候以解角仲冬者係塵而非麋特為更正
月令之誤

馬 史記匈奴傳曰其畜多馬新唐書奚傳曰其
馬善登五代史奚附錄曰馬趨前蹄堅善走其登
山逐獸上下如飛遼史曰契丹舊俗其富以馬今
豐寧縣之西即接上都達布遜諾爾牧場故馬最
蕃息其蒙古諸部皆習於畜牧每歲

行園進宴時陳詐馬教駢之觀牧事之盛古所未有蒙
古取其渾與牛羊酪並資飲食而桐酒尤佳元許
有壬上京十詠所謂馬酒者是也

御製詩

閱馬 辛酉

上都 即元上
都地

鹽海

答不遜
漢言鹽海也

地寬平芻牧年年龍

種生此日材官羣彪蹕當秋田馬並銜聲雲岡萬隊鋪
霞錦露草千蹄踏玉英侍從藩王咸眩目空懷少傳作

歌情

閭馬

癸亥

肥壤挾川阿名駒恣寢訛魯詩空賦駟唐牧漫誇多比
色猶鋪錦分馳似捲波太平無戰伐憑眺意如何

索駝 史記匈奴傳曰其奇畜則索駝韋昭謂背
肉似索故云索駝漢書作索佗師古謂能負索囊
而馱物也索駝本塞外之產漢時中土罕見故以
為奇畜宋王曾行程錄曰深谷中時見畜牧牛馬

索駝爾雅翼謂今云駱駝蓋音之轉蒙古謂駝為
特墨飼秣得宜最為蕃息

御製詩

索駝 癸酉

種繁鄯善多封牛食少任重其性柔畜中良產內地鮮
謬稱馬狀羊為頭塞程橐載無過此色有蒼白或黃紫

而今市販亦知用鈴聲替戾行連尾圖鳴嗜柳

俗云駱駝嗜柳

嗜酒不肯前長繩穿鼻騎以牽征囊百務一身具蹄胼

背腫誰則憐驚頸低昂過磧川圖展塞景胡環傳避風

跑泉語乃誕

漢書西域傳謂燉煌往外國流沙千餘里無水有伏流駝過其處以足跑地掘之常

得水又青海北夏有熱風傷行旅風將至駝先以鼻口匿沙中人見之則以植掩蔽口面避其患常詢之青海

諸部皆無其事

少見多怪理實然

詠駝 癸未

駝有懶乳者忽復厭其駒踈齧不肯哺弱難飼以芻秣

猝待凍斃行將棄諸塗惟彼特墨赤

蒙古謂駝為特墨赤特墨赤牧駝者也

識性計有餘胡笳奏其旁哀腔嗚嗚感駝心生憐乳

駒乃如初藁鹽旋長成致遠收良圖口詢非耳聞此事
信匪誣嗚呼駢獨非獸乎凱風之母獸不如

青羊 宋王曾行程錄曰契丹多青羊格物論曰
羊有青者南人所罕見今塞上多有之善走屢屨
間為山羊之一種

御製詩

青羊 庚辰

青羊善緣壁四蹄利如鑷躑躅巖間虎狼不能躡一

朝失所據生捕被虞獵神忌豈跳踉喙息惟伏帖何必
貪肥腴爰命育蹇荅誰辨梓樹化謾擬成都接隨圍霍
集斯驚觀笑輟頰

飛狐 銳頭缺口耳小尾長毛深褐色肉翅連四
足其前足三爪後足五爪

聖祖御製康熙幾暇格物編

四集

飛狐產於口外密樹林中形似狐肉翅連四足及尾能
飛但能下而不能上續博物志云飛狐亦名飛生今山

陝有飛狐嶺飛狐口當時必以物產得名而名勝志曰
有狐食五粒松子遂成飛仙其說荒誕皆因未知天下
有所謂飛狐也

飛鼠 首及尾皆似鼠翅與飛狐同

聖祖御製康熙幾暇格物編

四集

口外又飛鼠與飛狐相類特頭尾似鼠形體小於狐首
子所謂鼯鼠五技而窮也

虎 元史稱松州知州布薩圖格

舊作僕散
哥今改正

前

後射虎以萬計以是知口外產虎自昔為衆今塞山多有之蒙古謂虎為巴爾圍場中地及府屬境內諸山多有稱巴爾圖者皆以有虎處得名每歲駐蹕山莊常

命虎鎗人殺虎至

行圍時

親御虎神鎗殪及射獲者數尤不可勝舉

豹
唐書地理志曰營州土貢豹尾今塞山多有

之以金錢文者為貴艾葉文者次之宋沈括夢溪筆談曰豹東胡呼失刺孫今舍利孫與豹本為二類沈氏殆因舍利孫一名土豹而訛耳

熊 唐段成式酉陽雜俎曰豬熊其形似豬馬熊似馬今塞山多有之小者為狗熊一種大者為人熊本草謂即羆絕有力而不常見

狼 宋陸佃埤雅曰狼大如狗青色善逐獸今塞山多有之蒙古謂狼為綽諾府境屬內之山有稱

綽諾圖者皆以有狼處得名

麋 形似鹿而無角說文以麋為麋崔豹古今注亦謂麋一名麋爾雅釋麋所謂牡麋牝麋其子麋絕有力斫者是也

麝 唐書地理志曰營州檀州俱土貢麝香五代史奚附錄曰奚常採北山麝香今塞山有之爾雅注所謂脚似麋有香者是也

野馬 後漢書鮮卑傳曰禽獸異於中國者有野

馬考爾雅釋畜有野馬注云如馬而小出塞外又云有駒騄狀如馬色青疏引字林云北狄良馬也一曰野馬是野馬即為駒騄史記匈奴傳所謂奇畜則駒騄郭璞駒騄贊所謂駒騄野駿產自北域者是也又匈奴傳有驕騄徐廣謂巨虛之屬索隱引說文云野馬屬攷逸周書王會解曰孤竹巨虛孔晁注云巨虛驢羸屬然塞外不產驢羸所謂驕騄巨虛盖野馬之類

野羴 崔豹古今注曰驢牡馬牝生騾考塞外無驢故無畜騾惟野騾則有之產沙磧中蒙古謂耳為齊克特野騾耳長故以名之

驢 塞外向不產驢今迤南之地亦有之蒙古部落惟喀喇沁有驢以承平日久復有內地連界故有其種

按史記稱匈奴奇畜則驢騾又載單于與漢戰不利乘六騾馳去古之匈奴即今之蒙古也恭

讀

御批通鑑輯覽單于乘六羸條及

御製野羸詩以驢父馬母而生羸驢非塞產故塞外無羸若野羸雖沙漠所有然野獸不可乘洵足以正前史相傳之謬

牛 史記匈奴傳曰其畜多牛明葉向高四裔攷曰烏梁海產青牛黃牛明一統志於三衛土產下亦列青牛黃牛攷明實錄載朶顏三衛求入關市

牛者不一蓋其時多以剽掠為業牧產不蕃也今則塞外多畜之耕犍乳特產類繁息蒙古資其湏酪用充飲食為酥餅尤可行遠又金史地里志謂大定府產酥乳餅元一統志謂大寧路武平縣川州土產酥乳酪蓋塞外所製尤勝內地也

野牛 後漢書鮮卑傳曰有角端牛以角為弓俗謂之角端弓史記司馬相如傳作角觶郭璞謂角觶似貊角在鼻上堪作弓李陵嘗以此弓十張遺

蘇武既云角可為弓自當為常見之獸而又稱角在鼻上殊未可信至宋書符瑞志謂角端日行萬八千里元史謂元太祖至東印度有一角獸形如鹿而馬尾其色綠作人言耶律楚材曰其名角端能四方語者此係神獸不常見後漢書鮮卑所產之角端乃野牛之類

羊 史記匈奴傳曰其畜多羊新唐書奚傳曰其羊黑五代史奚附錄曰地多黑羊宋洪皓松漠紀

聞曰羊生達犂者大如驢尾巨而厚類扇自脊至尾或重五觔或膏脂以為假熊白唐楊烜膳夫經手錄曰羊之大者不過五十觔奚中所產者百餘觔元許有士上京十詠有秋羊詩曰塞上寒風起庖人急尚供戎鹽春玉碎肥羖壓花重肉淨胭脂透膏凝琥珀濃年年神御殿頒餽每霑儂今塞外多畜之秋冬風戾其肉謂之風羊內地以為珍味其乳與牛酪同用元楊允孚灤京雜詠詩所謂不

須白粲脩晨吹乳酪羊酥塞北奇者是也

山羊 塞山多有之鹿身而細毛兩角盤背上有
感紋後漢書鮮卑傳有原羊攷爾雅釋獸曰羴如
羊注云羴羊似吳羊而大角埤雅曰羴羊狀若騾
而羴行暑天塵露在其角生草戴行代郡賦所謂
羴羊養草以盤旋是也本草謂山羊有二種一種
大角盤旋肉至百觔所謂盤羊者殆即羴羊也又
一種毛作深黃色者為黃羊亦係野產元許有士

上京十詠有黃羊詩曰草美秋先腍沙平夜不藏
解條文豹健鬻炙宰夫忙元楊允孚灤京雜詠詩
曰北陲異品是黃羊注云黃羊北方所產者是也
蒙古謂山羊為伊瑪圖場中地及府屬境內之山
多有稱伊瑪圖者皆以有山羊處得名

野豬 塞山多有之宋王曾行程錄曰契丹多黃
豕蓋亦野豕之類蒙古謂豬為噶海圍場中地及
府屬境內之山多有稱噶海圖者皆以有野豬處

得名

獾 塞外多有之爾雅謂之獾注云豚也一名獾
字林曰似豕而肥今土人呼為猪獾其小者為狗
獾

獾 宋陸佃埤雅曰似狐而小青黑色是物本有
山獾水獾二種今塞外所產者大抵皆山獾之類
土人呼旱獾

田犬 善捕野獸塞外多畜之元周伯琦上京途

中紀事詩所謂獵犬高於鹿者是也

兔 山谷間處處有之有褐及白黑數色蒙古謂兔為洮賴府屬境內之山多有稱洮賴圖者皆以有兔處得名

狐 種類不一毛長而黃者曰草狐短而黠者曰沙狐並出蒙古其皮皆可為裘蒙古謂狐為烏納格府屬境內之山多有稱烏納格圖者皆以有狐處得名

鼯 與貂同爾雅翼謂貂本鼠屬故字亦作鼯東
觀漢記曰建武二十五年烏桓獻貂豹皮詣闕朝
貢金史地理志曰大定府產鼯鼠

鼯 後漢書鮮卑傳曰有貂鼯鼯子皮毛柔軟天
下以為名裘章懷太子注曰鼯音女滑反鼯音胡
昆反鼯鼯並鼠屬獠猴屬也許慎說文解字曰鼯
鼠出丁零胡皮可作裘又曰鼯鼠屬善旋陸德明
經典釋文又稱鼯一作獠攷爾雅釋獸鼯無前足

注謂似狗豹文有角兩足疏引呂忱字林謂獸無
前足似虎而黑者名狃則是異獸之名非可以為
裘者冠宗奭等本草衍義又以海狗當之然所云
前脚似獸尾即魚身亦與皮毛柔軟之說不合矣
攷晉書稱夫餘國出善馬貂狃唐書稱黠戛斯服
貴貂狃陳藏器本草稱骨狃獸出西方突厥國似
狐而大長尾綜核諸說似狃為今之舍利孫而鼯
子蓋今灰鼠之類也至唐書地理志稱營州土貢

骨峭

一作骨咄

而不詳其為何物或疑其即為骨狢然

唐書於黠戛斯傳既有貂狢而又稱其獸有野馬

骨咄知必非一物松漠紀聞載契丹重骨咄犀紋

如象牙黃色知骨咄乃野牛之名與狢固迥異矣

黃鼠

元許有壬上京十詠有黃鼠詩楊允孚灤

京雜詠詩注曰黃鼠灤京奇品劉績霏雪錄謂北

方黃鼠穴處各有配匹秋時畜黍菽及草木之實

以禦冬各為小窖別而貯之天氣晴和時出生穴

口見人則拱前腋如揖狀即入穴味極肥美元朝
恒為玉食之獻置官守其處人不得擅取也黃鼠
之名古來所稱互異宋刁約使契丹為北語詩曰
密賜十貔狸注云形如鼠而大穴居食穀梁嗜肉
北朝以為珍膳味如豚肉而脆宋周密齊東野語
引澠水燕談謂契丹國產大鼠曰毗狸形類鼠而
足短極肥其國以為殊味穴地取之以供國王之
膳自公相以下皆不得嘗常以羊乳飼之傾北使

嘗攜至京烹以進御本朝使其國者亦皆得食蓋
極珍重之此物亦竹榴獾狸之類又宋張浮休使
遼錄曰有令邦者以其肉一臠置之食物之鼎則
立糜爛是以愛重攷張舜民畫墁錄曰南使至北
帳前見畢密賜肥羖十枚毘黎邦十頭毘黎邦大
鼠也據此則獬貍也令邦也毘黎邦也實是一物
譯語有緩急輕重耳明李時珍本草綱目乃稱黃
鼠古謂之鼯鼠遼人呼為獬貍亦名令邦皮可為

裘領然諸書所載黃鼠俱無別名鼯子之說亦無
皮可為裘之事時珍蓋臆說也

欽定熱河志卷九十五

欽定四庫全書

欽定熱河志卷九十六

物產五

蟲之屬

蟬 爾雅釋蠋有七種皆蟬之屬揚雄方言列諸
蟬多至二十餘名蓋是物本隨地而異今關外之
蟬不入關內其出聲較內地稍遲而音特清壯蒙
古謂蟬為綽爾齊

御製詩

塞蟬

較內地者大而聲壯蒙古名之
曰蟬爾齊蟬爾齊者胡笳也 甲戌

塞榆雨霽流繁響靜聽啁噍亦自嘉蒙古不知虛體物
指聲直謂是胡笳

塞蟬

辛巳

綽爾齊爭噪霽川

關外蟬不入關內其音較內地宏而
直蒙古謂之綽爾齊綽爾齊者胡笳

奏曲人謂其
聲似故名之

天然南北限雄邊中庭地白傳陳語曰和

明君撥四絃

聞蟬

癸未

氣候北來遲一月塞林今日始聞蟬舉頭密葉尋不見

但見流陰旋

去聲

旋遷

聞蟬

乙未

萬物憑生各趨時率因暄寒為早遲山莊今日始聞蟬

南北氣候殊若斯詎惟氣候殊聲音亦異其北蟬聲雄

粗且野南蟬聲細清以淒大抵氣稟分人性而衆生類

咸隨之蒙古遂謂綽爾齊

關外蟬音較內地宏而直蒙古謂之綽爾齊綽爾齊者胡

笛奏曲人也以蟬聲相似故名之

曲項蘆管

去聲

以吹有時頗叶韻高

低然而彼此兩不知豈非幕天席地中若人若物同蒙大造同熙怡小我俞琰席上腐談獨舉昭君笑其渾不似而又訛為火不思

詠蟬

丙申

塞外蟬聲殊塞內元音太古綽爾

平聲

齊

塞外蟬與內地稍異蒙古呼為

為綽爾齊謂其似歌曲也

報秋律合商兮羽飲露韻諧高與低松下

花間常入聽排衙喝道漫嘲題山中鼓吹流清響意謂

斯猶勝孔圭

聞蟬 辛丑

御園五月蛭

昨于御園有聞蛭詩

山莊六月蟬一二本難辨實有

先後焉

解一

南者亮以清北者宏而壯物異人豈同強固

因殊狀

解二

蒙古無巧語直呼綽爾齊

蒙古呼蟬為綽爾齊綽爾齊者胡語

奏曲人也以蟬聲壯似之故以為名云

聲頗中宮商而蟬豈自知

解三時至

彼自鳴夫豈有不平意謂昌黎序略失之琢情

解四山中

嫌寂歷流響出林翁設以鼓吹方謂當勝彼孔

解五粗韻

為金石細韻為絃絃聆餘輟然笑恐人號官蟬

六解

官蟬

塞外聞此事亦稀有芑蒙鄙彼癡怵惕勵予守

七解

聞蟬
壬寅

秋蟬關內夥關外曾未聞山莊所有者綽爾齊之倫

塞外

之蟬其聲宏壯與口內清亮者有別蒙
古呼為綽爾齊蓋謂胡笳奏曲音也今朝忽聞蟬其

聲迴不羣既亮淒以清訝聽如過雲風高颺逾遠露重

飲益神比似御園噪

園明園秋蟬甚多反覺聒耳茲數
年皆于山莊度秋今茲偶聞之為

之心耳
俱興

濶久喜聆新綽爾齊收聲如慚下里紛吾昔詠

氣候謂自南北遷

叶

以今始聞蟬誠有如所云堯夫雖

怪語

室上氣候自南而北向為氣候詩云大都廿年中

暖必以漸遷又云邵子天津橋怪語非正詮或者

益信

人烟蟬以致熟轉旋今以所聞蟬音證之

邵子語雖非正論要可存為鑒戒云率應戒為君

蟋蟀 崔豹古今注曰蟋蟀一名吟蛩一名蛩秋

初生得寒則鳴爾雅注曰蟋蟀今促織也蓋蟋蟀
與絡緯皆有促織之名而其類各別

御製詩

月夜聞蛩

甲戌

漾舟逗星渚淒吟發露坡塞夕已颯
沓塞月猶婆娑歐陽賦未就是聲來則那
發婦怨別離孤客悲蹉跎於我何有馬也
覺秋懷多

聞蛩

癸未

漾舟廣寒宇取適非取疾沿傍葦岸間
數聲颺唧唧吁嗟胡為來觸景增蕭瑟韶
芳每遲候商調斯縮律塞外之恒情山莊
詎能尼獨喜暑意遙何妨秋信出

絳緯

即莎雞也爾雅曰韃天雞注云小虫黑身

赤頭一名莎雞陸璣詩疏曰莎雞如蝗而斑色其翅正赤六月中飛而振羽索索作聲崔豹古今注曰莎雞一名促織一名絡緯促織謂鳴聲如急織絡緯謂鳴聲如紡績也一名紡績今塞外有一種形小而色綠與常產特異

御製詩

興安絡緯至小而色綠率筆圖之兼題以句

丁卯

依稀果羸負螟蛉塞草霏黃尚作青可惜徐黃曾未覩

為傳蠕動補蟲經

莎坂蒼烟動股鳴雲間天淡磧垣清若教賦質渝關裡
答響流黃更覺情

跂跂脉脉露華枝欲上寒英意轉遲大小略殊年益畫

年益擣衣圖續入石渠寶笈中神品也風流渾脫惠連詩

何必花棚草舍尋一番畫取更長吟閒聽靜想評形似
瓊室清宵冷逼衾

絳緯 已巳

塞上秋蟲夥紛鳴抱露榛那曾催嬾婦却解動征人風物渾如昔烟花且自新剡藤親貌取

前歲塞上曾圖之以歸並成詩四首

俯仰便成陳

榛蝮 周禮蝮氏及月令螻蝮鳴注皆以蝮為蛙

唐韻亦以蝮為蛙之別名玉篇集韻蝮字皆以蝦

蟇為訓惟廣雅有螻蝮馬蝮也然馬蝮乃蟬屬今

塞外所產榛蝮則係絡緯蟋蟀之類善以翼鳴土

人呼為叫蝮蝮盛以小籠置之暖室經冬猶有作

聲者

御製詩

榛蠧

甲戌

啾啾榛蠧抱烟鳴
亘野黃雲入望平
雅似長安銅雀噪
一般農候報西成

蛙生水族蠧生陸
振羽秋叢解促寒
蠧氏去鼃因錯注

至今名象混秋官

按蠧蠧乃絡緯蟋蟀之類周禮蠧氏去鼃鼃原不指一物而言注謂蠧今

御所食蛙夫蛙乃蝦蟆不可食鼃亦其類俗名田雞尚可食至蠧蠧則斷無可食之理不精考而錯注以訛傳

訛蓋不
少矣

蝶 崔豹古今注曰蛺蝶一名野蛾一名風蝶有
大如蝙蝠者或黑色或青斑今熱河所產有黑花
蝶大四五寸許

蜂 爾雅有土蜚木蜚之別疏謂土蜚又名馬蜚
今塞外馬蜂視常蜂較大亦有蜜蜂元史興州有
採蜜提舉司元一統志曰大寧路龍山縣惠州土
產蜜及蠟

螢 塞外流螢極大光可燭三尺許

蜥蜴 塞外山中蜥蜴長四寸許頭以下色如翡翠有紋如魚鱗尾作金色吐氣如雲土人稱之為雲虎

魚之屬

著漢鮮 塞外諸溪澗中皆有之狀似鱸細鱗重唇身有黑斑伊遜河所產尤多

御製詩

箬漢鮮乙未

魚名出口外諸溪澗中狀似鱸而味鮮美過之國語謂之箬漢鮮蒙古語謂之集伯格然尚不如吉林之赭鱸也偶爾成咏以備方言

九曲伊遜

平聲

水有依萃尾魚細鱗秋撥刺巨口浪吹噓

陰益食單美輕嗤戲譜踈還應問張翰所憶定何如

鯉
灤河有之味較內地尤肥美

鯽
灤河及瀑河皆有之灤鯽以灤州偏涼汀所

產為佳此為灤水上流熱河東南灤水中舊有鯽
魚坑水深魚肥

鮎 塞外溪河有之有斑無鱗

柘綠魚 色微綠產灤河中

滑子魚 長五寸許形狹而脩產平泉州山溪中

蟲魚 一名尖口魚大盈尺許銳口細鱗產平泉

州水窖山溪中居民于二三月網取之鬻于市

按遼史多載釣魚土河今土河所產蓋鮮古今

地氣異也惟據今所有者載之如右至于

行宮湖中則鱗族最繁有石磯觀魚及知魚磯收魚

亭諸勝

御製捕魚網魚諸詩俱

駐蹕山莊時所作往往取諸外湖以實內湖故鰮鰒鯉

鯉品類充收焉

御製詩

灤河捕魚

辛酉

野灘片片起鴛鴦
盪槳中流樂意多
髣髴江鄉三月景
西風紅葉小瀟河

瀟河水自上都流
順水行如風送舟
最是關仝得意筆
蒼山野渡正初秋

觀漁

伊松河水秋日澄
伊松河岸秋風清
岸側停鞭聊復憇
但見波光日影爭
晶明漁人弄網中
流迎駕鵝雁鴨驚
飛鳴我聞任公獨
垂釣不釣鯢鯨釣
長鯨湯網祝禽未

祝魚渭濱無乃存空名不如乘興觀漁樂興盡輒逝無
留停涼颺獵獵催歸轡鳶魚飛躍隨其情

釣魚

癸亥

一川金紫明斜照清溪翠壁天然妙竿絲偶弄非夢羅
澆瀟遊鱗俯可眺今來古往釣魚人不知却被魚兒釣
敖漢捕魚

一水帶龍岡三秋理釣航蒹葭颭寒渚鷗鷺貌江鄉樂
事漁同獵嘉魚鰕共鱠便途資衆餉莫漫比如棠

玉鏡澄秋浦林巒入照佳不網仁未逮結網念常懷獻
獲甘誰後頒恩與衆偕鳴榔歌快豫齊泊白雲涯

把釣 乙丑

秋湖魚鮮餌把釣意如何愛此空明景如聞款乃歌

釣魚 己巳

跂石弄竿綫慕波漾烟翠豈乏釜鬻烹為愛滄浪意

垂釣 辛未

富春以釣隱磻溪以釣顯亦各適其適何繫竿與綫 叶

跂石臨澄渚秋水冷然善垂絲致喁噉豈為烹鰲鼈隱
顯非我為潛躍任彼轉渺瀰眴烟波興正復不淺

捕魚 甲戌

隄分內外湖置牖期節制內湖育鱗族蒸然繁其類漏卮或
旁出潛躍乃於外侵尋落野潦釜烹同浪棄乘閒命罟師濺
濺臨流試鯉鯪其品美生放內湖既鱣鮪其品惡逮衆盡分
賜縱之斯未能挈入原有自忽憶文王囿却笑此何謂

釣魚戲題三首 癸未

魚磯芳餌滿堆盤
歷夏何曾試綫竿
却恐孤他勤伺候
垂鈎聊試對秋灘

水冷秋湖魚懶噉
片時空坐蓼花濱
中涓竊議非時矣
知爾誠為善釣人

釣意由來非釣魚
水天空濶朗如如
紫溪翁與煙波叟
無事希他偶似諸

捕魚

或曰捕魚可致雨
無聊極思試為取
金鈎甘餌已非時

逝梁發筍徒延佇塞湖空濶潛族多中流濺濺施網罟
小船深處提大網兩岸拽行衆邪許徐牽密攏近淺涯
發發鱗類無潛所鯉鯉鱣鮪不一足強去聲立泥中其意
苦觀之盛哉思之憐揀存一二悉放去吾意在雨不在
魚網師竊惜空力努水寒可一不可再薄行賞賜足酬
汝

釣魚戲題

甲申

野水蒼烟曲岸濱持竿意不在求鱗了知踉餌勞勞者

人匪釣魚釣人

捕魚

乙酉

內河不捕魚為是肫然養外河每捕魚為恐悠然往亦
弗事肫寒仍向內河放叶好生雖得一公物乃失兩陡
憶文王圖棄罟惡以惆

網魚

丙戌

網魚塞湖中銀鯽向稱美施眾獲藉藉從去聲人意甚喜

擇碩留四五餘仍放諸水於取戒其多况原斯湖裏長

大供烹鰲其期亦可指從人或後言竊漁誰禁彼肩與
過隔岸吾亦取諸此逆詐雖不為其實有此理

捕魚戲言

丁亥

內湖不捕魚外湖常捕魚捕魚獲外湖放魚於內湖內
湖鱗類孽外湖人烹諸於以示好生亦因觀水虞然魚
豈得知業已殭泥塗救五於彼什蓋非彼所娛更有人
竊笑盜取誰禁吾

打魚

壬辰

數年打魚曾未為茲當長夏偶為之打魚非緣烹飪計打魚仍圖養育滋園中水自有高下建閘斯分內外也內則常收園湖中外則一去無留者外湖濺濺滋施眾欲以打魚置內湖大網兩岸擲掄掣近磯羣力邪許呼鯉鯉鱸隨所取水盆滿置噉喁口波濤永失事則無底用長歌歎杜叟悠然而逝親見斯子產之欺誰能施取之外廐置中廐苟息之策誠非漏

金石之屬

魚兒石 產朝陽縣西北山中石不甚堅層層可
剥各有魚形隨剥隨異無相同者纖悉如畫土人
名曰魚兒石

聖祖御製康熙幾暇格物編 四集

喀爾沁地方有青白色石開發一片輒有魚形如塗雌
黃或三或四鱗鰭首尾形體俱備各長數寸與今所謂
馬口魚者無異揚鰓振鬣猶作鼓浪游泳狀朕命工琢
磨以裝硯匣配以松花江石誠几案間一雅玩也嘗讀

水經注及酉陽雜俎言衡陽有石魚山石具魚體宛若
刻畫又池北偶談述汧陽縣有石魚溝取石破之兩兩
成魚可以辟蠹故宋人石魚詩曰相傳此石能辟蠹功
在琅函並玉儲然未有如斯之纖悉克肖者也其與石
俱生耶抑魚之化如零陵之燕海南之蟹耶物理之不
可全窮又如此

御製詩

魚石屏歌

有序

甲戌

向見酉陽雜俎載衡陽湘鄉縣有石魚山山石色
黑理若生雌黃開發一重輒有魚形鱗鬣首尾若
畫長數寸燒之作魚腥又重慶江心有雙魚刻石
上每一魚三十六鱗見則歲豐云云夫石上刻魚
世或恒見至開石自具魚形則非人力所能為疑
為烏有誕論而已今過土默忒部落路南有所謂撒
哈河灘者土人種田掘地得石剖之有魚形復剖
之則復見大寸許小數分計銜尾比目若游泳然

乃知古人所載必有其徵証在此實即在此製以
為屏不異王振鵬魚藻圖也

造物有無宗元疑石中魚形誰所為雕琢不到繪難揮
又匪其中置鯢鰐擘開紋理紛鏤奇髻甲刻畫噉喙姿
永免麗留及粘微漫慮溉釜膾銀絲琴高仙駕或其遺
不然善眩如條枝殖瓜種樹幻術施冠鳧秋化石不移元
王沉璧洛水涯化玉未聞仍孕其湘鄉奇蹤向謂虛叶
事必有偶今始知詭談詫蹟序若斯折中理氣繫予思

是地昔必潦水滋水退魚存僵淤泥歲久土變石理宜
試看易剖片片披宛然藻潛還浪吹寓形得所壽可期
磨而不磷涅不緇製屏堪陳筍席垂兆維豐年念在茲

前題再詠

久竹青寧化難窮萬物情却看文石裏不異碧波清寫
影矜鱗活知春出浪輕誰能緝餌釣底慮釜鬻烹幻體
何妨脫真形永寄貞謂言在藻類可以認三生

鉛 平泉州境內之雅圓溝楊樹溝波羅樹等處

產之康熙五十一年許內地民人及蒙古開採令
每歲納鉛入錢局以為課雍正元年悉令封閉

炭 宋王曾行程錄曰深谷中多以燒炭為業元
一統志大寧路和衆縣土產木炭蓋塞外多樹故
為炭較易今所產視內地特佳

鹺 元戴侗六書故謂鹺為鹵之凝著者今建昌
縣之南即明史大寧衛東南之大鹺場地

鹽 塞外食鹽皆蒙古境內所產泡子河生天然

鹽不待煎熬而成蒙古用小車載以貿易博物志
所謂戎鹽累卵者是也

按遼史地理志載太祖於澤州采鍊陷河銀冶
又宋王曾行程錄曰柳河館旁西北有鐵冶多
渤海人所居就河漚沙石鍊得成鐵又元史食

貨志載產金產銀產銅之所遼陽省曰大寧又

產朱砂水銀之所遼陽省曰北京

即大寧也元初仍金名曰

北京至元七年
改為大字路

又載金在遼陽者至元十年聽

李德仁于龍山縣胡碧峪淘採每歲納課金三兩銀在遼陽者延祐四年惠州洞三十六眼立提舉司辦銀課鐵在檀景等處者太宗丙申年始于北京撥戶煽焉中統二年立提舉司又元史仁宗紀延祐二年四月諭晉王以先朝所賜惠州銀礦洞歸還有司七月復賜晉王惠州銀礦洞又元史史天祥傳復利州殺劉祿于銀冶又元一統志興中州有鐵冶在州西北九十里蓼子峪利州有鐵冶在州東南二百八

十里牛口峪惠州有鐵冶二所一在州西北二
百三十里寺子峪名灤陽冶一在州東北六十
里松棚峪名寶津冶皆辦官課龍山縣有瑪瑙
場在縣東北五十里興中州有瑪瑙場在州東
八十里鳳凰崖下皆每歲貢又明一統志載三
衛產瑪瑙諸所產處並在承德府屬即舊熱河
七廳境內也今則禾麥盈疇鋪茶錯繡各場冶
俱久經封閉其鉛礦暫行開採亦即停止

聖朝首重農事不貴異物即此可見故因輯諸書而附識於此

器服之屬

鹿角器 每歲

行園獲鹿甚多截其角材中諸器

御製詩

詠鹿角筆架

戊寅

茸長八叉老蛻然去不留無從別麋麋又幾閱春秋形

欲成芝朶堅將變石頭雅宜供架筆毛穎本同遊

命製鹿角椅並題以句

壬午

獵獲八叉角良工製椅能由來無棄物可以備時乘詎

是仙都遺

去聲從思

家法承

盛京貯有
聖祖時鹿角椅

太宗時鹿角椅山莊有
今命製此亦肯構之意也

夔夔

戒倚側棣棣慎居興休剗形猶曲豐尖柔足微底須七
寶飾樸素審堪稱

沈周秋風話歸圖即用其韻

抑為小雅抑幽風老筆傳神意鑒空握手河梁似聞語
羨君策蹇竟歸東

恭詠

皇祖鹿角椅

癸未

大綱年年

幸塞沙詰戎深意驚荒遐虞人惟許獻三殺匠氏因教製
八义既撲而淳供憇息匪雕以飾戒奇衰昭哉白水欽
前跡鄙矣青氈誦舊家

詠鹿角椅

乙酉

雙撐玉戟牙一具絳河槎解到氣猶煦吐茸期未賒考
工漏匠氏模製淑朝家小坐輒成什亦無慙八义

恭詠

皇祖鹿角椅

癸巳

製椅猶看雙角全烏號命中想

當年

神威詎止羣藩警

聖構應謀萬載綿不敢坐兮惟敬仰既知樸矣願捐妍

盛京惟遠興州近

盛京有太宗文皇帝所貽鹿角椅癸亥甲戌兩詣瞻觀曾一再恭

詠茲椅為常得觀仰

皇祖所製每歲駐山莊家法欽承益增景慕

家法欽承一例然

樺榆木器以樺榆木及雜樹根為之製作工巧

全以雜色叅錯為文如緡繡然自几案至盤匝無所不有熱河市中多鬻之

聖祖御製詩

用栳木杯器

四集

素輕珠玉器專製及時杯錯節分花影盤根別利才茂
林成木瘿深谷染莓苔澹泊明吾志天然見體裁

皮茵褥以馬皮為之其毛色淺深相間文茵方
褥俱燦然可觀熱河市中多鬻之

山紬產建昌縣每年內地民携蠶種出塞養之
收絲織紬其養蠶時以構樺葉為飼故名曰構樺
繭宋曾公亮武經總要載塞外養蠶之法有與內

地不同者曰收種春蠶用秋種貯以簞箔勿受風
燥曰溫種冬至後以針線穿蠶種至暖室就溫勿
傷蛹子曰拾蛾清明蛾出必以申酉戌三時分雌
雄各置一筐曰摘對配蛾次日以指捻雌蛾腹謂
之把蛾以紙罍筐貯其內置涼室中邊地春寒恐
葉未發而先出子也曰斫芽插塿穀雨後出子斫
梅欒枝向陽嫩芽連枝葉三尺餘擇流水河邊無
土沙灘不見水處掘寬二寸許深如之插芽勿使

露水少提之令活曰坐墩日出後將蟻盆去蓋入
墩中使與枝近曰上障四五日蠶一眠起帶葉剪
取移置障上曰守場山中長檣樞處為蠶場恐蟻
傷蠶置棚守護曰摘繭蠶出六十餘日成繭著葉
處謂之蒂去之傷絲包絲包者各絡繭外亦謂之
衫番以織始有紋曰收繭擇春蠶為秋種置涼室
曰選場蟻場宜凹下樹宜低小取其葉軟蠶場宜向
陽塞外早寒非日暄不能成繭也尤忌高山山高

則多霧霧則蠶病多風風厲每不成繭曰打鋪秋
蠶出時天漸寒蠶上枝時縛置草鋪使其墮而復
上曰抽繭繭成以手撚線織為紬名曰山繭

按塞外器用之屬見于前史者後漢書烏桓傳
謂男子能作弓矢鞍勒鍛金鐵為兵器金史地
里志載大定府產螺杯茱萸梳玳瑁鞍元一統
志利州有細瓷窑一所在州西南棠葉務有粗
瓷窑一所在州東南感化莊興中州有白瓷窑

一所在州北二十里笠子塢松州西二十里有
瓷窑西北有執瓦窑又興中州建州土產紙是
也塞外服用之屬見用于前史者後漢書烏桓
傳謂婦人能刺葦作文繡織氍毹北史契丹傳
以青氍為上服元一統志大寧路龍山縣利州
興中州建州皆土產絲紬和衆龍山二縣利惠
二州皆土產布是也諸產並在熱河府州縣境
內今民間日用所需或商賈貿遷或土人造作

非有特著之產故不復專列至宋曾公亮武經
總要謂幣帛多書白川州稅戶所輸金史載北
京歲貢緞疋今則歲課亦但輸額賦而已

欽定熱河志卷九十六

欽定四庫全書

欽定熱河志卷九十七

古蹟一

志乘紀古蹟所以網羅放失蒐輯舊聞尚矣熱河
廣袤二千里城邑遷改碑碣流傳所在多有至於
大寧城為遼京之陪京興中城為慕容之故都地
靈攸萃厥跡斯彰今博考正史旁引傳記證以碑
碣志古蹟二十一其有史冊所載按其方位宜在

境內而今無考者亦不敢畧若夫流俗相傳誇誕失實者無取焉

承德府

即熱河廳

五指山寨 在承德府東南四十里五指山元史

史天祥傳進攻北京傍近諸寨五指山楊昭努

舊作

楊趙奴今改正

獨固守不下蓋金末建寨於此今無存

大輪禪師塔 在五指山有元至元二十四年碑

沙門居實撰文稱大輪為鳩巢法師弟子至元七

年以承相安圖

舊作安童
今改正

疏請住持靈峰寺十二

年八月示微疾而化收舍利本山祖塋塔葬之碑

額曰興州宜興縣五指山大靈峰禪寺大輪禪師

碑銘知其地在元為宜興縣境

溧平縣

即喀喇
河屯廳

御製詩

興州攬古言懷

興州於古為遐荒長城築守防秦亡遼金元漸開版章

惜哉宅中未久長縱有墨客怯寒涼掛一漏百名空債
建置今亦不可詳大清一統撫萬方

皇祖於斯闢山莊山川增色田野穰

垂法示後深意藏文臣扈蹕翰墨香馬遷青雲譬不妨雖
然所重在覲揚紹庭善繼百世昌

興州故城 在灤平縣金承安五年置興州治興
化縣屬北京路元仍為興州治興安縣中統三年
改屬上都路以元時興州之西北尚有宜興州故

俗稱為大興州明洪武三年以興州屬北平府四年改置興州左右中前後五衛永樂初移衛入內地而故城遂廢今灤平縣西南里許基址尚存

謹按興州故城在今灤平縣明一統志謂在雲

州堡東五百五十里方輿紀要謂在開平衛

開平

衛故城在今多倫諾爾廳西北境

東二百里不足據也

宜興故城 在灤平縣西北七十五里金初為興化縣之白檀鎮泰和三年置宜興縣屬興州元初

因之致和元年升為宜興州以舊有興州故俗稱
此為小興州明初改置宜興守禦千戶所永樂初
廢今其地有舍利塔拉川俗亦稱為興州河迤南
三里為小城子蓋宜興故城址也

謹按元時宜興州界西抵豐寧縣之上黃旗東
抵承德府之五指山而小城子適當其中知即
為宜興故治明一統志謂在雲州堡東四百五
十里方輿紀要謂在興州西曹家寨口外三十

五里為清河嶺又北五十四里即小興州皆不足據

太師太平王德勝碑 在宜興故城北元天歷時

宜興州官吏所建頌太師右丞燕特穆爾舊作燕鐵木兒

今改正之功碑文漫漶不詳撰入姓名

新館 在灤平縣境內遼置王曾行程錄自古北口度德勝嶺八十里至新館今無考

卧如來館 在灤平縣境內遼置王曾行程錄自

新館過雕窠嶺偏槍嶺四十里至卧如來館蓋山
中有卧佛像故名今無考

豐寧縣

即四
旗廳

安州故城 在豐寧縣境內北魏皇興二年置安
州與廣陽郡同治燕樂縣水經注濡水又東而南
索頭水注之水逕廣陽僑郡西今安州治又南流
注於濡水考今之伊遜河即索頭水土城子東一
百二十里有廢城址周四里土人稱為波羅河屯

亦曰黃姑屯伊遜河正經其西當即故安州城也
高峯戍 在豐寧縣大閣兒西南四十里湯山水
經注沽水又東南右合高峯水水出高峯戍東南
城在山上考今之白河即沽水今之湯河即高峯
水湯河出湯山下知湯山為魏高峯戍今無存
西密雲戍 在豐寧縣大閣兒境內永經注鮑邱
水出禦夷北塞中俗謂之大榆河南逕鎮東南九
十里西密雲戍西又道人谿水南歷密雲戍東又

孟廣礪水西南至密雲戍東西注道人谿水亂流
逕密雲戍城南右會大榆河考今之潮河即大榆
河發源於大間兒之上黃旗知密雲戍當在其東
北魏時置有密雲縣在邊內此言密雲戍者明與
縣非一地也今無存

神樹站 在豐寧縣境內明太宗實錄永樂十九
年命置邏騎營於古北口北神樹之地知與古北
口南北相直英宗實錄正統九年命陳懷出古北

口經大小興州過神樹知在興州之北方興紀要
以為在臨潢府西南非也

宜興分界石碣 在豐寧縣土城子西北一百三
十里上黃旂至正二十六年立正面刻北開平縣
界側面刻東宜興州界蓋元時開平宜興分界之
所

甃塔 在豐寧縣土城子西一百里塔十級周四
大二尺高五丈餘正面甃甃上鐫明崇禎年三月

白馬關造

平泉州

即八溝廳

御製詩

大寧城覽古

甲戌

斷戍頽垣蔓草青
秋風立馬一延停
侍臣不識憑臨意
只道初番過大寧

金元遺跡感荆凡
祇有羣山繞碧巉
慨古心還惕殷鑒
遐荒貼服在和誠

明祖當年亦甚英遠臨絕域建三城豈知土木百年未
介弟居然攝北京

躡後燕師慮患深魏邛會飲早成擒南中燕雀真堪笑
方建臯門及正心

題大寧塔

甲戌

魯恭宮殿頽無存惟餘宰堵巍平原寂寥此日真淨業
莊嚴異代徒祇園傑構歲久具靈異不雲常羃氤氲氣
自遠早見鬱岵岵逼近欲瞻翻不易此中妙諦吾已知

恰似法華開塔時因緣時節苟未至當面錯過空齋咨
須臾朗徹陰翳消珠幢湧地影蕩搖八方薄伽梵齊現
一路涅槃門豈遙瓊甍枝撐邈難陟摩空鶴鶴搏其翼
當時挈眷盡歸南萬古標宗恒鎮北六和浮玉向曾登
仰矚空懷最上層觸緒題詞詎可置遇境忘言實未能
大千乾闥何春秋碧眼僧過有偈留牛羊下麋鹿遊那
似慈恩杜甫愁金風策馬遵前郵

大寧故城

在平泉州東北一百八十里即遼之

中京大定府金之北京大定府也遼史地理志聖宗嘗過七金山土河之濱南望雲氣有郭郭樓閣之狀因議建都擇良工於燕薊董役二歲郭郭宮掖樓閣府庫市肆廊廡擬成都之制統和二十五年城之實以漢戶號曰中京府曰大定城池湫濕多鑿井泄之人以為便南有朱夏門北有陽德門閭闔門王曾行程錄云中京大定府城垣庫小方圓繞四里許門但重屋無築闔之制南門曰朱夏

門內夾道步廊多坊門次至大同館其正北門曰陽德閭闔城內西南隅岡上有寺城南有園園宴射之所又有長樂門金史大定三年土河泛濫水入京城轉運使高德基命開長樂門疏分使入御溝以殺其勢元改為大寧路明初設北平行都司置大寧衛封建寧藩於此自永樂元年棄大寧其地遂墟景泰四年泰寧等三衛乞居大寧廢城不許令去塞二百里外居住天順後遂入於三衛今

其城在喀喇沁扎薩克公旗界老河之北本遼之
舊址經金時改拓明初復加修築蒙古名罕蘇巴
爾漢城高丈餘周二十里東西二門南北四門城
中街道倉庫樓閣依稀可辨城內有浮圖二一在
城東隅十三級一在舊倉旁城外西南隅有浮圖
一

遼宮殿 在故大定府城內有延慶殿永安殿遼
史聖宗統和二十七年四月駐蹕中京營建宮室

開泰七年十月名中京新建二殿曰延慶曰永安
又有觀德殿會安殿為奉安列祖御像之所又中
京武功殿聖宗居之文化殿太后居之今並無存
遼祖廟 在故大定府城內遼史地理志中京大
定府皇城中有祖廟又聖宗開泰八年正月建景
宗廟於中京九年十二月詔中京建太祖廟今無
存

遼國子監 在故大定府城內遼史道宗紀清寧

六年六月中京置國子監子命以時祭先聖先師
今無存

遼秘書監 在故大定府城內遼史興宗紀重熙
二十三年十月駐蹕中京幸新建秘書監今無存
遼相府院 在故大定府城內三朝北盟會編中
京相府院者契丹時宰相所居也今無存

遼市樓 在故大定府城內王曾行程錄中京大
定府有市樓四曰天方大衢通關望關今無存

大同館 在故大定府城內王曾行程錄中京大
定府南門內次至大同館遼史地理志作中京有
大同驛以待宋使今無存

朝天館 在故大定府城內遼史地理志中京大
定府城中朝天館以待新羅使今無存

來賓館 在故大定府城內遼史地理志中京大
定府城中有來賓館待夏使今無存

柳河館 在平泉州東南境遼置王曾行程錄自

過烏灤河又過墨斗嶺芹菜嶺七十里至柳河館
劉敞使契丹有宿柳河詩今無考

謹按宋時使遼所經之路史稱契丹欲誇示險

遠道多回曲故其方位尤未易考曾公亮武經

總要謂柳河在北安州遼之北安州為豐寧縣

即四
旗廳灤平縣

即喀喇
河屯廳

之東境及承德府

即熱
河廳地

今以宋史劉敞傳互證之史謂敞使契丹自古
北口至柳河回曲殆千里敞質譯人曰自松亭

松亭故關在喜峯口北一百二十里趨柳河甚徑且易不數日可

抵中京何為故道此啟詩中亦有稍出盧龍塞及別道入松亭之語乃知當時譯路先自古北口而北行仍遶至盧龍塞外也柳河館與松亭相近故知在今平泉州東南境

打造部落館 在平泉州南境遼置王曾行程錄自柳河館過松亭嶺七十里至打造部落館今無考

牛山館 在平泉州南境遼置王曾行程錄自打
造部落館五十里至牛山館牛山在明初亦稱牛
嶺永樂元年命新昌伯唐雲帥師自小興州大興
州東接牛嶺會州諸處屯種今無考

鹿兒峽館 在平泉州南境遼置王曾行程錄自
牛山館八十里至鹿兒峽館劉敞有朱橋鹿兒館
詩鹿兒峽亦稱鹿兒嶺明初常遇春追元兵出遵
化度鹿兒嶺至會州今無考

鐵漿館 在平泉州境內遼置王曾行程錄自鹿
兒峽館又過蝦蟆嶺九十里至鐵漿館劉敞有鐵
漿館詩今無考

富谷館 在平泉州境內遼置王曾行程錄自鐵
漿館又過石子嶺自此漸出山七十里至富谷館
元一統志載大寧路古蹟曰富谷有站宋范鎮行
富谷道中有詩云路迴山陡轉沙漫水平流曾肇
亦有富谷山頭一騎歸之句今無考

通天館 在平泉州北境遼置王曾行程錄自當
谷館八十里至通天館二十里至中京元一統志
引宋綬出使錄亦謂富谷館八十里至通天館距
中京二十里今無考

臨都館 在平泉州北境遼置富弼行程錄自中
京正北八十里至臨都館今無考

官窰館 在平泉州北境遼置富弼行程錄自臨
都館四十里至官窰今無考

謹按武經總要引此文作宮室館與契丹國志
所載行程錄作官密館互異考元一統志載松
山州與中州等處皆有瓷密知遼時中京附近
之地多設官密其作宮室館者蓋字形之訛耳
神水館 在平泉州境內遼置蘇轍使契丹有神
水館詩今無考

新城 在平泉州北百里明洪武二十年命宋國
公馮勝等率師出松亭關寨大寧寬河會州富峪

四城留兵居守所築之大寧城卽此其曰新城者以別於遼金元故城也置新城衛永樂初廢明太祖實錄洪武二十二年會寧侯張溫及北平行軍都司都指揮使周興奏修拓大寧等城并上其規制大寧城門五城周三千六十丈濠長三千一百六十丈深一丈九尺明史地理志距行都司六十里今其城在喀喇沁扎薩克公旂界周十里東西三里有奇南北二里

謹按新城蒙古名喀喇城土人稱為黑城一統志原本以為青城引米萬春薊門考大寧至青城二日程以証之然新城在大寧故城西南僅六十里米氏蓋考之未詳也至於因新城而訛為青城又因青城而訛為黑城轉輾改稱其實一地耳

富峪故城 在平泉州北明初築富峪城置守禦千戶所後改置富峪衛永樂初廢明太祖實錄富峪

城門四城周九百丈濠長九百八丈二尺深一丈三尺明史地理志距行都司一百二十里

會州故城 在平泉州南二十里本遼澤州地元

改置惠州後訛為會州明初築會州城遼澤州城尚在明會

州之東北詳見建置沿革門置會州衛永樂初廢明太祖實錄

會州城門四城周一千一百二十八丈濠長一千

一百八十九丈二尺深一丈八尺薊門考青城即新

城西南至會州一百二十里會州西南至喜峯口

二百里與今之方位正合方輿紀要會州城在大
寧衛西南二百四十里又二百四十里即喜峯口
與薊門考互異者計里有廣狹耳今故城高丈餘
周三里有奇四門無樓櫓蒙古名察罕城豹河流
經其東稱為察罕河屯河城中居民數百家比屋
鱗次煙火相望信塞外之要衝也

寬河故城 在平泉州南一百十里喜峰口外明
初築寬河城置守禦千戶所永樂初廢明太祖實

錄寬河城門四城周八百十二丈濠長八百五十九丈深一丈五尺今其故城周四里四門無樓櫓土人稱為寬河城

富庶故城 在平泉州東北遼置富庶縣屬大定府金因之元屬大寧路明初廢元一統志謂富庶縣西北至大寧路東至建州南至利州西南至和衆縣今州屬喀喇沁右翼旗東南境地名公營子有廢城址周五里正當大寧之東南與元一統志

西北至大寧一百五十里之方位相合又其東接

朝陽縣

即三座塔廳

屬土默特右翼旗界為建州地其

南接建昌縣

即塔子溝廳

屬喀喇沁左翼旗界為利

州及和象縣地當為故富庶城

凡城 在平泉州境內方輿紀要凡城慕容氏所

置城也考三國志烏丸傳太祖自征蹋頓袁尚與

蹋頓將象逆戰於凡城是漢時已有此名不始自

慕容燕也十六國春秋石虎率象次棘城孰遣子

恪等擊之趙兵逃潰乘勝追之築戍凡城而還又
虎使鎮遠將軍石成入寇凡城不克又趙撫軍將
軍李農率衆三萬與征北大將軍張舉攻燕凡城
又平北將軍尹農攻燕凡城不克而還又晉書地
理志慕容熙以并州刺史鎮凡城水經注盧龍東
越清陁至凡城二百許里當在平泉州之東南今
無考

三會城 在平泉州西南境水經注五渡水北出

安樂縣丁原山南流逕其縣故城西本三會故城也又高石水東出安樂縣東山西流歷三會城南

鄒氏所載在濡水

即漂河

既合武列水

今熱河

之後將

入盧龍塞

今潘家口

之前當在魏安州界考魏書地形

志安州有安樂郡

領土垠安市二縣齊廢土垠入安市周廢安市入密雲

而

無安樂縣然安樂郡與密雲相接自當在邊內至

安州廣陽郡所領有燕樂縣或疑安樂即為燕樂

縣乃安州所治為索頭水

即今伊遜河

所經又當在豐

寧縣

即四旗廳

境惟魏志於燕樂縣下注云真君九年

併永樂知永樂亦北魏之縣與燕樂縣相接水經

注所謂安樂縣當為永樂縣之訛酈道元時已併

入燕樂故稱為故城今承德府

即熱河廳

東境之老牛

河即五渡水州南之豹河即高石水三會城當在

老牛河之東豹河之西今無考

受米城 在平泉州境內唐書地理志自古盧龍

北經九荆嶺受米城當在州境之南今無考

回紇城 在平泉州境內金史太宗紀都統果克
高恩回紇三城進取中京則城當與高恩二州相
近蓋遼時俘回紇部人居此故以名城也今無考
奚王牙帳 在平泉州東北舊唐書奚傳自營州
西北饒樂水以至其國新唐書奚傳依土護真水
地理志長城口北八百里有土護真河奚王牙帳
也自盧龍北至奚王牙帳六百里今之土河即吐
護真水在喀喇沁右翼旂之南今之英金河即饒

樂水在喀喇沁右翼旗之北奚王牙帳正居其間
遼史地理志五帳院進故奚王牙帳地城之號曰
中京知大定府即故奚王牙帳也

奚王避暑莊 在平泉州東北契丹國志東過小
河唱叫山道北奚王避暑莊有亭臺今無考

奚君宅 在平泉州東北蘇轍使契丹有奚君宅
詩自注云在中京南蓋遼滅奚後使居於此今無
考

花道

在平泉州東北金史布色忠義

舊作僕散忠義今改

正

傳武雅

舊作窩幹今改正

陷靈山同昌惠和等縣陣而

西行忠義追之及於花道是花道在惠和之西也

元史穆瑚黎

舊作木華黎今改正

傳平定東京進攻北京金

守將伊木沁

舊作銀青今改正

率衆二十萬拒花道逆戰

敗之是花道在北京之東也元時曾置驛於此為

花道驛今無考

冷翠軒

近平泉州東北金趙秉文有重九登會

禪寺冷翠軒詩今無考

朝爽樓 在平泉州東北元雲峯真人康泰真墓
碑曰仲冬凜冽雪之朝爽樓者最為傑觀四壁曠
然千山疊雪泰真裸袒而居及十旬餘樓下瞻仰
者雲集今無存

塗河千秋橋 在平泉州境內元一統志載大寧
路塗河千秋橋陳元草詩云華表後猊勢自雄闌
干十二玉玲瓏勢吞曉岸橫蒼獸影落寒江浸彩

虹塗河即土河今州北之老河是也

金特進興中府尹完顏曷墓 在平泉州東北元

一統志完顏曷大定人金故特進興中府尹墓在

大寧西三十里玉泉鄉有明昌初翰林待制黨懷

英所撰碑記

赤峰縣

即烏蘭
哈達廳

松山館 在赤峰縣境內遼置富弼行程錄自官

窰七十里至松山館今無考

崇信館 在赤峯縣境內遼置富弼行程錄自松
山館七十里至崇信館今無考

廣寧館 在赤峯縣境內遼置富弼行程錄自崇
信館九十里至廣寧館今無考

姚寨館 在赤峯縣境內遼置富弼行程錄自廣
寧館五十里至姚寨館今無考

咸寧館 在赤峯縣境內遼置富弼行程錄自姚
寨館五十里至咸寧館今無考

謹按富弼行程錄所記自咸寧館又三十里度潢水石橋旁有饒州在今翁牛特北境外巴林旗界已非赤峯縣境所及故不列入

松山故城 在赤峯縣境遼置松山

遼志松江當作松山詳見

建置沿革門

州治松山縣屬中京金皇統三年廢州以

縣屬大定府元中統時復置松州改屬上都路至元二年以松山縣省入明初廢元一統志謂松州東南至大寧路東至高州西至興州今縣境地名

小烏朱穆沁有廢城址高四五尺周四里正當平

泉州

即八溝廳

境大寧故城之西北與元一統志東南

至大寧二百二十里之方位相合當為故松山城

又元一統志載遮蓋山在松州東南二十里山在

今翁牛特旗南境今小烏朱穆沁廢城南二十餘

里即遮蓋山有金皇統三年靈峯院千佛洞碑其

銘云縣之東南有山孤嵐名曰遮蓋雲影氤氳在

金時有松山縣而無松山州所稱縣之東南者殆

即指松山縣也

烏丹城 在赤峯縣境內城基高五尺周六里存

東西二門亦當為遼金時州縣之遺址城中有廢

塔又有斷碑一字已殘闕惟魯國大長公主字可

辨城南七里地名烏蘭坂有魯國公主媵臣準台

舊作竹溫墓蓋此地
台今改正在元時為魯藩分地也

元中順大夫準台墓 在烏丹城南七里準台蒙

古人為魯國大長公主媵臣冒姓翁吉喇特

舊作雍吉

刺今改正氏事魯王為管領隨路打捕鷹房諸色人匠

等戶錢糧都總管府副達噶齊

舊作達魯花赤今改正

尋進

中順大夫為達魯噶齊卒塋歡喜嶺之麓子色爾

濟戩

舊作撒而吉思鑑今改正

事文宗為宮相都管府副總管

入宿衛順帝尤愛之詔為其父立碑翰林待制奉

議大夫兼國史院編修官揭傒斯撰文奎章閣大

學士資善大夫知經筵事巖巖書丹奎章閣侍書

學士中奉大夫同知經筵事尚師簡篆額至元元

年立今碑文尚存

遮蓋山石佛 在赤峯縣境入遮蓋山十餘里有
千佛洞俗名大碾子洞洞口徑丈有八尺高丈有
二尺中有石佛像一旁列阿難迦葉二像循洞入
少折而西路漸窄高廣不盈丈又折而東亦如之
洞內有石壁兩崖俱鑿成佛像洞外有金皇統三
年靈峯院千佛洞碑其文云遼乾統三年有西山
院天台法師鑿山穿石前以成殿後以環洞名曰

靈峯院後遭兵火寺如懸磬至皇統辛酉歲僧惠
學等請中京資聖院僧遵說嗣興遠近居民欣然
同施各發一念願心匠成千佛石像蓋石洞為遼
時天台法師所開洞中千佛則金皇統中僧遵說
嗣成之也



欽定熱河志卷九十七